

圭塘小景卷第九

元中憲大夫同公太常禮儀院事弟有

碑志

勅賜推誠宣力定遠佐運功臣太師開府儀同

三司上柱國曹南忠宣王神道碑銘

并序

曹南忠宣王薨六十年若乃祖乃父豐功高烈墓道  
之石咸未有紀至元六年歲在庚辰十二月己亥中  
書右丞相臣脫脫不丞相臣帖木兒普華等以聞勅  
中書叅知政事臣有壬為銘翰林學士承旨臣慶  
為書翰林學士臣玄蒙其額臣有壬承命兢惕而竊

又自辛皇帝不以臣庸劣俾參台司而王之子臣疏歡  
寔平章政事世講義薦當悉其世家飭其未至以章  
蘇秦世矧威命有赫其敢以弱陋辭王諱阿剌罕蒙  
古札剌兒氏祖諱撥激贈定威位運功臣光祿大夫  
司徒上柱國追封曹南王諱忠定父諱也都干贈忠  
宣靜遠佐運功臣金紫光祿大夫中書右丞相上柱  
國追封曹南王諱桓毅祖妣塔拜妣娥列俱追封曹  
南王夫人忠定幼宿衛 太祖皇帝服弓矢割草從  
屢有功竟死於戰桓毅嗣宿衛事吉里吉太子從闕  
出忽都克太子伐金遂侵宋以功陞萬戶尋以天下

馬步禁軍都元帥副大將察罕征討察罕沒遂代之  
統大軍攻淮東西諸城至廣復戰沒王嗣職統其軍  
已未從 世祖皇帝渡江破宋師隆興北山還上都  
賜黃金五十兩中統初詔將所部討阿藍觸兒渾都  
海追至河西有功二年從征阿里不哥賜金箠一文  
緡元三年從宋王合必赤討李壇賊搃老僧口日夜  
搏戰走之奪其輜重進拔濟南賜金鞍文錦各一黃  
金如上都數四年春錫虎符銀章至元四年有事襄  
陽走宋師安陽灘賜白金衣物五年大軍圍襄樊分  
戍百文山以倚宋師戰屢捷十年拔襄樊十一年畧

地郢復奪郢州南門堡視地勢可達戰艦于江遣撒  
里蠻白大將自沙蕪口入江取鄂州泝江陵復連陸  
畧地至鎮江十二年擢昭毅大將軍仍蒙古軍馬上  
萬戶權行中書省事駐建康與右丞相伯顏參政董  
文炳為三道水陸分進期集臨安王以右軍取道獨  
松關破東壩砦至護牙山遇宋師手斬其將杜總管  
獲甲盾數百入溧陽界復值宋師斬虜將二人禽輝  
將祝亮等四十二人斬首三千級進拔溧陽獲首虜  
七千戰車步橋斬其將吳奉使斬首三千級進攻建  
平破之斬吳許兩總制拔廣德西安長興攻獨松關

禽谷總制至柏市禽其將張八斬首二千級進中奉  
大夫行中書省參知政事十三年三軍會臨安宋亡  
九月徇浙東未下郡邑兩至納款降趙提刑等五百  
餘人追宋宗室王與擇于閩至福安轉戰四十餘里  
殺其步帥觀察使李世達于陣俘與擇及其子弟監  
軍趙由憭防禦使林德獲印章五器仗萬計安撫使  
王吉等皆望風降偏師入興化禽宋相陳文龍招降  
宋官二百餘人淮兵三千人江南平十二月以行中  
書省參知政事行江東道宣慰使十四年入覲進資  
善大夫行中書省左丞仍宣慰使十六年進資德大

夫行中書省右丞使如故十八年入覲賜玉帶弓矢進  
光祿大夫中書左丞相行中書省事統師四十餘萬  
征日本吹明州而薨年四十有九是年十月吉日葬  
曹州濟陰縣鄭村之原初贈協謀佐理功臣太師開  
府儀同三司上柱國曹國公謚武定加贈推誠宣力  
定遠佐運功臣太師開府儀同三司上柱國追封曹  
南王謚忠宣配祀廟廟廟廟廟廟廟廟廟廟廟廟廟  
人子男二曰也述述是實在于蒙古萬戶大府初有  
擁護功遂忝預河南省三轉知樞密院出為河南省  
平章政事兼山東河北蒙古軍大府府人為集賢大

一進銀青榮祿大夫薨曰脫歡起家同知新州以  
四轉為河南左丞由南臺侍御史再遷為西臺御史  
中丞母疾棄官歷江西湖廣江浙三省平章政事進  
陪光祿大夫拜南臺御史大夫改河南平章以母老  
辭至元六年拜中書平章政事在政府念母老而遠  
語及輒流涕南臺總十道按三省非重臣不可復拜  
御史大夫且便其養也女五人適管軍總管忽刺出  
貴赤衛副使八合謀蒙古軍十五塔察兒真定路總  
管哈刺孫蒙古右手萬戶也兒吉尼孫男女若干  
皇元以仁武取天下艱難肇造與共事者惟國人爾

而國中充類以濟者若札刺兒氏則四傑之一焉  
王之乃祖乃父無征不從無戰不捷而所部之士咸  
信素著如臂使指無不如志天下既一俾率其部而  
世其職維居心腹之地以制四方世祖皇帝萬世  
之遠圖也王明而怒謀而有斷始襲其部士皆樂為  
之用提兵鼓行指期制勝其追叛河西攻堅歷下力  
戰襄樊畧也郢復可謂雄偉之績矣若夫卷甲沙蕪  
而長江失天險分節獨松而重關若無人之境  
卒使宋主面縛海隅風靡則無秦爾祖而世篤有加  
焉日本之役未至而薨厥後蹉跌貽悔議者謂使王

在當不至若是也 皇元岳群策以一區宇舊勞之  
臣者艾熾昌者非一王暨祖考皆死戰陣以致寧救  
乃身不享之昔賢謂世德之臣厚施而不食其報然  
後其子孫能與守文太平之主共天下之富王壽不  
滿其德而二子佐列聖重熙之運皆致位崇極王覺  
甲子一周矣賜銘墓道哀榮益新又立祠建康賜祭  
田千畝世福蓋未艾也嗚呼崇德報功朝典緝矣歸  
美報上獨不在王子孫乎臣有主謹再拜稽首為之  
銘曰

於赫天造秉鉞四馳艾夷蕪梗以式九圖河翁嶽喬

昔曾接武闕如奮出奔走禦侮桓毅之子忠定之孫  
率我舊部勗我輔敷帝命南伐潰襄拔鄂夷庚既塞  
我旅爰整嘽嘽匪車舟乃陸通投鞭斷江率許而東  
三軍犄角分趣吾會遂啓溧陽肆我馘類朋角稽首  
漿壺食簞廣德弗城獨松弗關大會臨安組頸道左  
乾坤清夷四方來賀曩爾島夷乃敢不庭皇風播海  
長星墜營訐訐郭原鬱鬱王兆焯藹崇極申以朝貌  
既歷五紀盍文其碑亦惟天道遲速有時假寵九原  
追功未墜聿聲其休永錫來裔

有元功臣曹南忠宣王祠堂碑

至正元年二月乙酉中書臣僚言勅建曹南王阿剌罕  
祠禮官議視淮安忠武王而祠于集慶縣官給其費且  
請賜田千畝以奉祭祀制曰可既月王之子脫歡由中  
書平章政事拜御史大夫行臺江南臺治集慶又得  
躬相厥殺以迄于成貽書有壬曰子嘗承認銘先王  
知先王莫如子祠落矣願有紀也讓不可乃本其理  
擴其家世履歷勳庸之槩曰蒙古札剌兒氏有贈定  
威佐運功臣光祿大夫司徒謚忠定諱撥撒者王祖  
也贈宣忠靖遠佐運功臣金紫光祿大夫中書右丞  
相謚桓毅諱也抑于者王考也勳膺上柱國爵守曹


南王身肯死於戰有大功祖妣塔拜妣滅列皆封王  
夫人此其家世王沉毅善戰襲祖毅職中統四年賜  
銀章虎節仍上萬戶至元十二年擢昭毅大將軍以  
上萬戶權行中書省進中奉大夫行中書省參知政  
事明年以參知政事行江東道宣慰使明年入覲世  
宗善大夫行中書省左丞十六年進資德大夫行中  
書省右丞仍宣慰江東十八年入覲拜中書左丞相  
行中書省事階光祿大夫征日本次明州而薨壽四  
十九薨謚濟陰縣郭邨累贈推誠宣力定遠佐運  
功臣太師開府儀同三司上柱國追封晉南王謚忠

宣此其履歷也己未渡江破宋師于隆興北山中敘  
初討阿藍解兒軍都海于河西明年扈征阿里不哥  
于幕北明年從宗王平李璫于濟南四役皆有奇功  
賜黃金金篋金鞍文錦恩數稠疊至元四年觀兵襄  
陽明年圍之越六年克之始走宋師安陽灘中綴宋  
師百丈山卒與策勳焉十一年畧地江北奪邳州南  
門堡獻盪舟之策渡沙蕪取鄂州沂江陵至鎮江十  
二年與淮安忠武王右丞相伯顏分道取宋王發寔  
康道與宋師戰屢敗之破東壩若拔溧陽建平廣德  
西安長興關獨松關前後斬首一萬五千級殺其將



林總管吳奉使許吳二總制及騎將二人俘谷總制  
張知府裨將祝亮等四十二人十三年三軍會于杭  
宋亡徇浙東降趙提刑等五百餘人追捕福安僵尸  
四十里殺步帥李世達俘秀王與擇監軍趙由增防  
禦使林德降安撫使王吉分軍興化禽宋相陳文龍  
降宋官二百餘人淮兵三千人江南遂平此其勲庸  
配脫端閣廟忽都臺並封王夫人子男二長也速  
迭兒銀青榮祿大夫山東河北蒙古軍大都督集賢  
大學士次大夫也女五俱適望族有壬惟古者功臣  
受封之國先建宗廟于路寢之東所以廣孝而勸忠

也諸侯之制二昭二穆與太祖之廟而五太祖百世  
不遷昭穆則視親盡而迤邐之自漢以來諸侯鮮及  
十世身身崇爵而子孫不能保也廟制由是而不講  
矣其有德及生民功施社稷者在朝廷則有圖形以  
寓其思賢念功之意在其臣吏則有建祠以盡其事  
亡如存之心亦因時制宜之義也諸葛武侯之沒所  
在求為立廟又請立之成都後主皆不聽民至私祭  
陌上以武侯之功尚何靳於一廟豈欲黜私祭以崇  
正禮邪夫所在立廟若汎立之成都亦復不聽何亦  
至習隆向克之請始聽立廟沔陽則武侯之得廟亦



原件短缺

憂憂乎其難哉 皇上於忠宣既立之祠又錫之田  
思賢念功之盛德豈區區蜀禪之所知哉大夫祗順  
德意克篤前徽勸孝勸忠於是乎在皆可歌以薦者  
也乃為之詩俾歌以徹豆邊其辭曰

乾元統天來六龍宏材碩德如雲從忠宣天挺間世  
雄父蓄子播昏作農帝曰來汝汝世忠奮戈無往不  
奏功方城頌頌際皇風分兵犄角乘其墉沙蕪飛渡  
皇月蒙順流震擊無遺鋒義旗禮干趣獨松趙孤街  
壁吳山空萬邦玉帛四海同台司兩轄昭報功虎  
龍節行江東倭奴何物勞蒙衝魂升海隅心九重

志於世上時政十六策受知丞相安重補右三部令  
史用伯顏南征選為管榷從攻揚州常州下蘇秀  
臨中野聚獨載書籍無一長物編年未實蹟上之初  
官承事郎行樞密院都事重慶叛竭謀畫諾諸城相  
率內附安西王承制改四川北道宣慰司經歷尋除  
承直郎潼川路治中拔寒暖王朝綱王伯寧韓伯昌  
為府史後皆至達官脩府治發地得白金五十錠同  
僚分公十錠公獨不受以脩廟學傳舍餘作酒器給公  
用承制改同知保寧路事治尚平簡反側以安權僉  
四川道按察司事 世皇知其賢詔所至毋敢沮稅

給三傳赴上至則植救雪冤興學除弊風采一變有昔  
若曰暢純甫不貪佳士也其令與臺臣王連帖木兒  
為侶遂拜監察御史糾劾權貴憲綱肅然上所冀農  
書遷陝西漢中道巡行勸農副使置義倉教栽植開  
荒田農事以興俄使陝西道按察司事時按察改廉  
訪司精汰舊官獨副使盧公處道暨公仍舊興元監  
軍怙勢肆虐得其賊奏決之移會山南道按江歲防  
水役衆往返四百里供給尤苦公以江水安流悉罷  
其役亦都護駙馬之徒大為民害繩其尤者流之改  
會山東道入為國子司業教育有規諸生服焉除陝

西行省理問始至決濟訟三百餘事若右丞圖滿決  
兒之訟家財宣使鞏士安之無折民訟開成同知張  
德昭之利女財而奪之歸皆強悍有恃官不能制者  
併實於法引疾歸遷太常少卿轉翰林侍讀學士知  
制誥同脩國史成宗賓天武宗撫軍朔方 仁宗淵  
潛重懷而中官屬意安西宰相知其不可乃集館閣  
議以察向背公與馬即颺言曰此宗社重事詎宜苟  
且衆皆默然又曰余病矣請歸調治遂拂衣而起  
仁宗入京始出視事草至大改元詔脩成宗實錄賜  
中統楮幣為定一百加少中文夫請郡除太平路總

管兼勸農事歲旱當禱公曰聞先早必哀於民天可  
欺乎乃捐俸致禱不日沾足當塗民坐殺牛祈雨囚  
械者六十餘人公惻然曰雨暘愆期守令責也民殺  
牛致雨爾縱不愧于心尚恐聽其訟乎即破械出之  
舟有泝流觸汭流之舟致溺其人累讞不決公亦縱  
之吏持不可上其議憲司平是公議秩米收貯盈屋  
公曰吾家人能盡此乎呼寒士小民恣其取去分憲  
至郡必謁公曰公治內無事此來行故事爾至屬邑  
曰陽先生治內何敢久留後守為之立祠于學名為  
陽先生祠讀學士階中奉大夫奉勅撰王勅成道記序

等文賜白金兩錠不受尋除燕南河北道肅政廉訪  
使視事五月歸中書遣編脩官字水魯翀奉翰林  
士之命以請起至汴以疾歸延祐四年丁巳秋主河  
南鄉試歸次襄縣西顧長安發立龍之歎因感疾十  
月朔薨于縣之傳舍某年某月某日葬于襄縣山  
之原配移刺氏上世遠貴族佩金虎符萬戶某之友  
先公二十年卒兩封魏郡夫人三子長子某也廢淮安  
路判官轉將作院經歷拜西臺御史按南臺御史  
除江浙行省員外郎改僉山東道廉訪司事人為監  
察御史階太中大夫為今官娶李氏子六人勉國子

上舍生年二十七卒勤劬勵勤劬皆幼女五人次曰  
騫不仕娶成氏子勛女一人次曰駿娶蒙古氏子四  
人勛勅助勝篤駿魏郡夫人生騫曹氏出也至元之  
初際興王之運得賢為盛而文學之士措諸有政後  
出流俗藉其在世若魏公者混一來可數也公制行  
孤潔足以俯視一世立志高遠足以上追古人天下  
之人莫不驚歎以為異人而不知者造訕騰議公亦  
不恤也若夫從南征而垂橐歸得地藏而用諸官屢  
辭上請盡揮椽入雖公小節而其胸次為何如哉高  
公彥敬為山南副使移文言不可居公上者三謂公

官五品先十餘年不可犯積薪之萌渡江孰不富貴  
至今家僮僅數口寒士無異勢利無一動其心高節  
清風殆不可及且兄事三十年義雖朋友愛如同生  
一旦岸然其上實不自安犯此三不義何以糾人之  
非即日辭去觀此則當時俗化之美士大夫風節之  
高公之所以致此者可知已朝為侍吏暮徵倖躡數  
級傲然為長吏為同列者聞二公之風亦可以愧矣  
公作守得古循吏體執憲有古遺直風至於立朝抗  
論不恤利害則其較著者也其為學官守館閣備  
問而中外十轉始為國子司業又出為陝西理問入

翰林才一轉官尋又出守再除翰林則老矣豈一時  
人才之多邪抑當時名爵之重雖如公者亦若是而  
已邪一技一能與不能操觚而專局至通貴未止者  
則又有命也邪然而列聖知過多士推服太史有錄  
太常有謚加贈有號而又承家有子則天於公亦厚  
矣讀書一過目即不忘假友人宋長編不泱日反之  
友訝其易公曰予舊熟之有忘者申之爾友記僻事  
數十驗之應答如響為之力追古作盧公處道以為  
似太史公而姚公端甫亦稱純甫實善文著述多而  
不存藻副使所萃才十一爾其見於世者不專於

也銘曰

魏公之出際時淳興挾策見世淵備遂騰宋本  
蜀蔓有芳簡牘既資膏益惟弘陶之不樹撫之不  
以隄厥潰以撤厥彌壁求簡編土視金縢皇皇  
爰七其象善則爾揚愆乃爾紀學政事備郡  
掌帝之制適天之夢大議不屈長江可測名日山  
家不縷增歸來自樂飲水由肱有介如石有潔如  
峻如絕壁孤如秋鷹強張翫世中別潞池夷考其行  
不渝九徵聞公之風貪懦自懲宰木已拱恩光日昇  
漢江汪洋峴首凌增元凱多事慮及谷陵惟德惟神

有憺威稜景而前脩昌而後承登世于千物莫我敢較

### 五龍廟碑

龍於天地間為物最神乾首六十四卦獨是取象其以神變不測時乘御天雲行雨施烝民乃粒功莫與京乎大寒湛輿小為蠶蠋能短能長能幽能明者神之示也管子曰龍水之神者也乘水則神立則雖神物其亦擇所可依而後能神其神哉江河湖海固其家也天下之曰潭曰湫曰巖曰洞曰池者非一必皆幽深僻險有水可依而後居焉土人往往時見光怪不敢動也而又早曠有禱則從而祠焉彰德路安陽

縣西北五里洹水之陽有五龍廟廟之下水黑而深洹水至是縮而後泄其龍居之淵乎太原元裕之效虞初書言明昌中風拔廟樹印地有跡事頗涉怪而不及廟之建始何時其號五者具五方為象設爾以其禱之屢孚也路達魯花赤荀公凱霖同知阿藍判官毛刺真嘗脩其廢築臺其前至元四年戊寅夏旱甚甫事請禱六月二十日甲申總管社公德遠始下車憂惶無措曰不才之乘丁旱之會又數日不雨則苗盡槁人何食賦何徵責何以追盡走靈祠而禱諸荀公曰五龍廟效靈自昔協恭精禱神其閔乎於是



率僚屬齋沐具香幣禱焉戊子行事雲俄起是夕微  
雨越翌日大作三日乃止苗之槁者溥而興市之閉  
遏者發人之轉徙者息病者以蘇訛言以寂豐凶笑  
輦變乎旦夕既報祀安陽縣尹趙君時敏刻石以昭  
神既以遠邦君之休夫龍與人異處昔聞清淵子產  
以為吾無求於龍龍亦無求於我惟其無求則子產  
之言是已為天牧以守其土以養其民以供其貢賦  
而歲將告饑人將轉死苟可弭舊當即致其極則其  
能無求於龍乎且龍之託於茲水以神其神人象而  
祠之有年矣應捷桴鼓亦其宜也否則將不與博土

縛芻等哉抑聞之雨由乎神而亦由乎人至誠貫金  
石信及豚魚况龍之神人之誠有不格者乎然而龍  
之德不可忘也祭法曰山林川谷丘陵能出雲為風  
雨見怪物皆曰神洹水有龍龍能出雲為雨祠亦宜  
哉書其槩申以迎送神曲俾祀而歌焉其詞曰  
洹之水兮沖瀨祠其渙矣兮惟其潔羞自珍兮神龍  
勿擇勝兮實所宮魁之虐兮蕙隆龜吾田兮福吾稼  
檀將竭澤兮及爾躬哀吾氓兮疲癯忍及喙兮弗克  
龍之怒兮奮飛豐隆前驅兮屏翳後隨騰清波兮淋  
漓沛為霖兮鮮厥萎報祀兮孔時冷風肅兮滿旗鼓

坎坎兮吹參差荷神嘉兮無期  
膏澤施兮不屯苗其傑兮木欣欣牲之膋兮醪之醇  
琮深席靚兮紫燎薰享不儀物兮享以人龍之去兮  
逶迤嘖雲氣兮氤氳歸九淵兮深藏斂大惠兮范一  
方時潛飛兮則其常有扣斯應兮惟爾之威百穀充  
羨兮遺秉在田龍兮龍兮人不爾護

勅賜興元閣碑

太祖聖武皇帝之十五年歲在庚辰定都和林太宗  
皇帝培植煦育民物康阜始建宮闕因築梵宇基而  
未屋憲祖繼述歲丙辰作大浮屠覆以傑閣鳩功方

殷六龍狩蜀代工使能任楛絡繹力底于成閣五級  
高三百尺其下四面為屋各七間環列諸佛具如經  
旨至大辛亥 仁皇御天四有弊損遣延慶使柳思  
監輦鏹葺之又二十一年為壬午皇上念祖宗  
本之地二聖築構之艱勅怯忒府同知今武備卿普  
谷失里暨嶺北行中書省 石丞今宣政院使月魯帖  
木兒等督重脩歷四年方致完美周塔塗金晃朗奪  
目閣中邊頂躡巨細曲於若城平鬆壘靡不堅麗精  
至重三其門繚以周垣繼乎一新縣官出中統楮幣  
為緡二十六萬五千有奇費視昔半而功則倍之丙

成十一月七日上御明仁殿中書省臣奏閣備惟新  
不可不銘勅翰林學士承旨臣有壬文諸石臣有壬  
拜手稽首而言曰天地運用之妙臣無得而名焉即  
其形之近者言之風雷雨暘之散動潤烜發生萬物  
者皆自上而施于下源泉陂澤之流通埽泄灌溉大  
田者亦由高以及乎卑我國家興王之地俯瞰萬國  
大聖人首出庶物位乎天德引閩寧萌紐牙開闢而  
後蓄而未發之氣以資始品彙自上而施于下由高  
以及乎卑故澤之流若高屋之建甍師之出如太山  
之墜石功烈之成登三邁五漢而下莫我擬也定都

和於造邦之基立於宗憲宗雖干戈間而以不嗜  
殺人為心開象教清覺皇慈仁之旨有契宸衷資  
其說以格崇崇之未者非大示尊崇則無以為感  
觸之地而大聖人四海撮土八埏囊括宇宙  
捲河山之量寔是馬臣有壬生長熙洽之世  
朔南名剎罔不嶺北人詭闕之大竊疑其夸  
質諸嘗行陝蜀江廣閩浙且仕嶺北之人信天下之  
閭無與為此也昔祗桓基八十頃一百二十院祇  
陀須達二人成之我國不富有四海規布地之金特  
錫殊爾則此閣締構之偉傑峙與雪山相高驚嶺

傳盛宜也閣始無名但以大閣寺者稱皇上賜名曰興元之閣蓋經始之日實我元順天應人龍興之初名協于實矣且和林自元昌路為轉運司為宣慰司又為嶺北行中書省丙辰也今九十一年而列聖峻極之頭雄都瑰異之觀無一人一言及紀述者一旦形諸玉音刻之堅珉運志其亦有緣乎於戲休哉為大利益可量也夫銘曰  
鴻蒙再闢世再初聖神立極卑黃虞建都乃極天地  
樞俯拾萬國如墜枯磬磬赤手饑待餉后奚後我來  
其為天戈豈欲專天誅心以不殺人自守頑茲象教

世無異世而同符以大智慧明辯愚開  
國包寰區祇國方欲鳩其徒乘龍運爾及鼎湖後  
繼作志不渝成此斯率居不宏其規豈遠摸  
天拔地高標孤中有屹立金浮屠諸佛環擁分四隅  
至大脩廢走使車三十一年等頌史吾皇法祖恢聖  
護坐令金華新漢渠眉恩獲情均堪興如閣容塔綽  
有餘中書有請帝曰俞汝臣有至其大書不寫不碑  
鑿石如億萬斯歲綿皇圖

武昌路武當萬壽崇寧宮碑銘有序

武當均州山先名太和道流稱其峻極秀絕非玄武

神不足當故更名武當勝國瑞平甲午兵搃襄漢均  
民大鄂深神德不能忘鳴于官行武當祠于鄂為冲  
霄壇制使孟珙禱于神有齊安之捷易壇為觀蓋復  
崇寧額也我皇元至元庚寅升武當萬壽崇寧宮地  
據雄峻鶴山巨其後大江朝其前雲閣高深石磴梯  
危大殿高堂傑閣危亭長廊紫帶通樓環匝百神胥  
宇羽流栖息壇壝鼓鐘學館庖廡轉轄錯布仰觀樓  
閣玲瓏在五雲絕頂俯瞰萬間鱗集煙靄蔽虧若洞  
庭觀波濤目為之眩而山川形勝闐闐盛麗金碧丹  
牘高下相輝玉京十二樓不得而見之此亦人境之

洞天也泰定甲子又改作玉皇閣凡十二丈深廣初  
若由甲午迄至正甲申一  
宮若葺故若建新幾人幾百幾工幾木而甲申之二  
月戊午掃於一炬洞真明道冲妙真人住持提點  
兼領諸宮觀事羅君大震職宮事餘四十年勞辛已  
至時當苑擔而彼所謂劫運乃丁其會常情體解氣  
沮方借其徒曹大坤等以已訖率眾力任其復而歲  
順王寔鎮是邦主贊允格重起兩廡甲子橫三十一  
間以其下內半為雲房歲丁亥三清殿成深廣十尋  
高九丈加舊制三之一又建玄天上帝殿聖像侍從

供器靡不備功而又作亭壝石以紀綸綍運機為嚴  
以待禋禘餘凡締構日以就緒矣昔閔之成嘗屬子  
記亡友玄教大宗師開闢吳公亦屢為言時待罪政  
府多事因循遂至今日乃己丑八月書來告其撥拾  
煨燼有成仍命予志夫所謂勿違者吾儒所謂數也  
天地且有數人力之盛神靈之託其能出天地之外  
者乎其成其毀有不必究者己玄武之祠昉宋真宗  
我朝至元己巳龜蛇見於高梁河以為玄武之祥為  
築昭應宮於是武當之山若增而高矣是宮之名雖  
主玄帝而巍然南面朝五帝者實主玉皇玄帝五帝

之一也若夫北斗七宿為水之神寓形龜蛇者世既  
聞矣主之大者蓋也厥旨玉皇禮家所謂昊天上帝  
也以形體言之謂之天以主宰謂之帝以功用謂之  
鬼神以妙用謂之神主宰者不離乎功用而能妙用  
者也日月之運行風雷之鼓舞山川之流峙人物之  
生息皆功效之著者闔且闔於斯徃且來於斯視之  
而不見聽之而不聞則有妙用存焉先王之有天下  
也以為萬物本乎天故祀於郊圜立以象其形蒼璧  
以象其色樂九變以著其數猶曰維天其右之其之  
為言不敢必之辭也不特此也群祀亦然或求諸陰

或求諸陽不可方數徵形狀索也自神仙好棲居之說  
行遂有作崇臺傑觀以候之者嵩呼之聞巨跡之見真  
若可以形聲相接而像設濫觴於此矣其始也施之  
羣祀其卒也於上帝亦冠裳而宮室之矣聖人以神  
道設教上智昭昭無幽不通下愚蠢蠢既顯而蒙孰  
為民彝孰為帝衷可使由之而不能使之知也今號  
於衆曰帝以主宰言其不啞然笑者幾希孰與樹中  
天之華構揭上帝之高居使瞻而仰之者舉手加額  
曰上帝臨汝無貳爾心由是而舍惡從善之心油然而  
生矣是宮之建願命靈福祝釐庶民者固自有在

而使民觀感日遷于茲聖教之助不又多矣乎  
岷江東涘鄂城西壁巖巖嶽嶽崇宮屹屹天關夫守  
灰飛瞬息剝流碩果後根定力噫層樓瑛璇俄室  
三華屹峙九光赫奕離梁龍矯文瓦鏤集棟吻雄鷲  
闌腰雌霓霓躡絳綺絳飛簷翠濕碧霞虛瀉雲海  
屏翳擁幢豐隆列戟桂漿醲素蕙肴蒸碧靈霜  
廣樂翕繹瑤草肥露玉華酣日紫芝已甲蟠桃行  
祥鸞朝朝瑞麟夕夕玄龜左顧靈蛇右翼山川開  
神人愉懌物具阜康世允寧謚丕冒神休永真人  
圭塘小藻卷之九終

圭塘小藁卷第十

元中憲大夫同僉太常禮儀院事弟有孚編

碑志

勅賜故資德大夫御史中丞贈摠忠宣憲協正  
功臣河南行省右丞上護軍魏郡馬文貞公神

道碑銘 并序

至正七年七月丁丑集賢侍講學士通奉大夫兼國  
子祭酒臣天爵言故資德大夫御史中丞贈摠忠宣  
憲協正功臣河南行省右丞上護軍追封魏郡公謚  
文貞馬祖常早擢高第歷踐要途始終五朝有文有



政宜賜碑紀德庸示報功集賢院以闡制可命臣有  
至為文臣玄為書臣起巖篆其額三人皆文貞公同  
年進士而有主託知尤厚始以學士被命繼冒承旨  
皆職紀述其敢辭公字伯庸世雍古部居靜州天山  
有錫里吉思者高祖也金季為鳳翔兵馬判官死節  
贈恒州刺史廟賜褒忠子孫因官以馬為氏曾祖月  
合乃從 世皇征宋留汴掌饋饗累官禮部尚書贈  
推忠宣力翊運功臣僉樞密院事謚忠懿祖世昌行  
尚書省左右司郎中贈嘉議大夫吏部尚書父潤朝  
列大夫同知漳州路總管府事贈中奉大夫河南行

省參知政事追封梁郡公妣楊氏追封梁郡夫人梁  
公官淳光因家焉公七歲知學得錢即以市書十歲  
見燭歌燒屋解衣沃水滅之人嘆其異蜀儒張公頌  
講經儀真公未冠質以疑義數十張公奇之科舉詔  
下鄉會試皆第一廷試第二蓋以國人冠也授應奉  
翰林文字承事郎同知制誥兼國史院編脩官拜監  
察御史仁皇久正宸極猶居東宮近侍利燕飲得請  
公抗言當御正衙立朝儀御史執簡太史執筆雖有  
懷姦利已乞官賞者亦不敢出諸口承天地祖宗之  
重當極調攝至於酒醴近侍進御當思一獻百拜之

義英廟為皇太子請慎簡師傅下至臣僕亦宜精擇  
時大姦當國公首知其盜觀國史洎同列疏其十罪  
仁廟震怒罷之黨與之布要地者皆論列黜之端人  
昔與牴牾而擯斥者請拔用之泰州山移公言山不  
動之物而今動之豈在野有當用不用之賢在官有  
當言不言之佞大臣皆家居待罪薦賢拔滯知無不  
言改宣政院經歷月餘辭歸起為社稷署令罷雜事  
于泉南大姦復相左遷開平縣尹欲中傷之退居浮  
光大姦死除翰林待制泰定建儲擢典寶少監太子  
左贊善尋兼翰林直學士成均釋奠陳太子視學之

禮內出禮幣命公助祭照禮部尚書祖母張夫人卒  
護喪歸起為右贊善復禮部尋辭歸天曆初再使召  
為燕王內尉仍入禮部兩知貢舉一為讀卷官時號得  
人叅議中書省事叅定親郊典儀充讀祝冊官禮成  
資金幣拜治書侍御史賜犀帶及御書奎章閣記內  
庭宴服七襲金玉腰帶各一改徽政副使拜南臺中  
丞今上即位召議新政資白金為兩二百楮幣為貢  
萬金織綺為端四改同知徽政院事拜御史中丞以  
公疾特免朝禮命光祿日給上尊知經筵進說必陳  
經史大義叅以祖宗故實持憲務存大體西臺御史

劾其僚禁酷時面有酒色以苛細黜之山東憲以孔氏訟聞以事關名教不行按者亦引去司憲有以貪墨敗沒入其田廬請歸曲阜林廟從之拜樞密副使居無幾辭歸復南臺中丞遷西臺疾不赴積階自承事郎至資德大夫至元四年三月丙午薨于光州之弟得年六十是年四月壬申葬州北平原鄉西樊里有司以聞有令贈謚配索氏封梁郡夫人子男二武子承事郎湖廣行省檢校官文子徵事郎秘書監著作郎孫男三女二公言事剴切嘗建國人暨諸部既誦周孔書當尊諸母以厚彝倫兵家子驕脆有孤任

使庶人挽強蹶張老死草野當建武學武舉儲材以備非常時雖不用識者題之至於論刑一本哀矜嘗言死罪遇赦且原減死流徙未蒙殊遇當驗情遇恩內徙漢人滿百執弓矢獵者不及百者流條格已有禁云矢聚衆之條又復為此是錯綜網羅之誠恐愚民舉足蹈罪至論建德民妻之不首夫死者則當以必死其得用法之意乎國家涵濡百年禮樂斯士公先世已事華學至公始大以肆為文精核務去陳言師先秦兩漢尤致力於詩凌轡古作大篇重筆無不可傳者與脩英廟實錄譯瀾皇圖大訓承華事略編集

列后金鑑千秋記若干卷至順間龍虎臺應制賦詩  
有玉食之賜嘗進擬策為之數曰孰謂中原無碩儒  
乎文集若干卷臺檄刻之揚州郡庠仁皇始行貢舉  
國人而下列為四色國人洎諸部為右榜試目視左  
榜差優公雖右榜左列及之者指未易屈焉且其為  
學初不為貢舉也以挺特之資丁大明之會衷為舉  
首馴至達官威重足以鎮薄俗文章足以追古作議  
論足以正風教設科得士不得以延祐之初為盛  
也不幸壽僅六十未究其用悲夫銘曰  
元大一統六合同風南望北萊先生其中部族有儒

文貞伊始文貞之世翼翼廟祀後承聿脩講學  
延昇至公有大無撓斬然異稟幼不事弄濡衣  
智劇碎甕益習以進益混以辭不滿于流而登于  
先秦兩漢華咀實擷天籟冷厲石湍激冽天子有  
乃興乃賓實三其魁一推國人甫試館職發教為冠  
以爾枹鑿安我考槃遐心浮雲東帛空谷春坊翊  
經筵啓沃皇格于天公司其度俊造鑑衡風紀砥柱  
虜恩異數川委充溢云胡脩途六十而祀既易其名  
亦大其封于光之原賜碑崇崇賜碑崇崇於赫厥銘  
同年之紀考信匪謠惟爾部族文貞有躅敘倫敦典

益介戰毅

元故右丞相怯烈公神道碑銘 并序

天厭宋金之不能君其民也篤生大有為之君以君  
之我 太祖聖武皇帝順天應人龍飛朔方豪傑雲  
從四傑而下儔功輩出若丞相鎮海蓋較著者也五  
世孫僉河北河南道肅政廉訪司事赫斯壯其故請  
曰丞相舊庸天造名具秘史世莫得聞子孫席世少  
文封謚稽稽諸艱牲有石而無銘封謚在官銘不在  
子孫乎敢再拜請愚昔長史館與脩功臣傳家報疏  
列至有炳炳在人子孫不能具一言一事者竊嘗譙

坡之變梟獍黨與列據津要文苑康里子山暨予寧  
同論列遷戶部員外郎予在左司計事率相見俄僉  
浙西道廉訪司事遂間南北子居武昌適移湖北新  
制憲官各色止用一人長憲者同出西域即日引退  
憂報不允文苑曰無例且退持疑文冒進可乎堅卧  
不起予陰居絕人事獨相往來鵠山楚觀之絕頂竟  
宮琳宇之僻地荒城廢壘村居楚池靡不至焉時純  
天登大別宿郎官湖賦詩談論無虛日一日把酒相  
屬曰人生離合有數君聞我退機適相投但恐造物  
見如不終遂此先子監祁陽縣有惠政潛德未章子亟


銘予不獲辭焉未幾予除兩淮轉運使文苑移山北  
邸報同日至山北置大寧白雲地去京師東北尚八  
百里陸不可挈家水縈紆餘五千里扶病擁幼殆不  
能為謀予官揚州崎嶇來過曰我非瀆祚進也主上  
新政不敢不行而老幼累我且都而抗抗而鄂鄂又  
山北有力且疲况貧乎鄂不可留揚米貴不可居况  
吾樂之穀又差賤且其人德我吾謀定矣迺命請子  
買舟而東獨挈一小僕乘傳而北予留之飲三書吏  
而後去酒中嘗曰我作事素勇今殊猶德何也子  
之曰人改常不佳君豈厭世邪迺大笑曰昔溫公

漢乘輿椅蓋悉以賜公中丞既定錫恩州三百戶為實  
封世食其賦為置官守始中書省尚左公為左丞  
相繼尚右改右相歲乙未八月二十一日薨於家上  
惜悼不已賜金幣治喪命百官致祭塋弘州北阜立  
祠其上憲宗嘗拊髀嘆曰使吾得鎮海江淮何憂惜  
其亡矣世祖立極又以公舊部降虜千人為貴赤  
命公之孫莊家為千戶曾孫也下極為百戶世所  
謂十七投下此其一也在千戶中亦以進賢為急河  
西得亦吉兒赤匠官得崔後其皆為名臣陰陽得  
曰仕至大司徒得儒十三人後皆知名夫人滅兒吉

真太祖所賜嬪妃也初克蔡俘金公主某亦以賜公  
子男一十二人曰要束木燕札魯花赤佩金符札魯  
花赤之曾孫脫火赤龍貴亦千戶玄孫保保襲中衛  
千戶曰李古恩從世皇有功雲南為濟南益都宣  
慰使曰潤里吉思會憲馬祖也孫若干人曰八十八  
會河東道廉訪司事按推不花淮東廉訪副使曾孫  
脫烈靖州路達魯花赤會憲天父也子孫繁衍碑不  
具載世有恒言飲水黑河最為勲舊公實與焉國史  
曰脫必赤顏至秘也非有功不紀公名在焉錫戶樹  
官傳之子孫祖宗來可屈指公則二馬即是觀之豐

功盛烈雖家乘紀述容有逸畧而其曠然大者不可  
掩也銘曰

雲霄經綸屯將作解元氣賦勁大塊斯噫豐隆屏翳相  
為後先亭之毒之以基我元於赫代工開天伊始同  
盟黑河有如白水轍環處征何堅不摧戰功曰多我  
實有之珠旗揚揚金符煌煌從官如雲君賜以彰天  
荒既營有城翼翼樹藝告成日工以集郵律回春奏  
食靡艱俾爾子姓世尸厥官族鋒雖利吾忘吾脅恬  
然不傷嬰鋒蹀血拔燕論功旌以殊禮四矢兩至悉  
公之邸帝曰汝賢其長中丞沐養底平金社遂墟跡功



原件短缺



領賞賜戶三百世掌食采亡  
官永額不懲首離優游  
考終九重震悼賻腆祭豐  
惟相鄉庸昭崇報有穹  
其封有恤其廟秘史紀名  
終不墜額是刻文益示  
勸厲

大元故贈光祿大夫二浙等處行中書省平章  
政事柱國追封趙國公阿塔海牙公神道碑  
銘并序

江南行臺御史大夫阿思訥阿海牙致政家居遺其子  
都水少監忙歡奉家衆請曰老夫賴先世餘澤寫祿  
位有年而吾父平章公墓出未表非慢也願盛滿難居

一門其庶幾乎公性恂恂而志趣超詣由近侍出官  
非其志也嘗曰我先人有大造於高昌氏子孫必有  
興我不必為也夫以右丞之賢明畏天之義一介往  
來與危亡之國而措之安遇知 太祖天苟引年居  
高位身享祿必矣乃鬱而不發蓄而不泄至公又植  
而不食必再世而後顯是蓋遲速之有時非人力之  
所能及而答之於前者固已逢涌而不可遏公卒時  
大夫已拜南臺御史流澤之來浩乎其沛然矣其序  
雲富貴優游以老宜哉大夫以卓越之才起家監縣  
為良吏入臺為材御史出廉諸道為剛明使者入中

書分南臺為天子重臣歷九朝官二十七轉天下識  
與不識皆知其名而又躬服儉素衣無錦繡居無華  
飾祭寵方至退然若虛文皇嗣位聖眷益隆玉帶上  
尊錫賚相望至為玉刻署押以示殊遇當是時苟假  
寵于上為先世要美謚作豐碑亦何求不得願乃自  
抑若不能加於其先有於其身者必遲回以待於致  
事又遲回以至於今日不請于上不謁于太常擇所  
宜為者自為之視世之朝暴貴而夕讐賜碑者有間  
矣二子長少監也次月祿海牙少監二子寶哥寶山  
俱宿衛內廷公生世為賢子為賢父歿而享其寵嘉

出於尋常身大官無聞者萬萬也其可銘也夫銘曰  
於維趙國作德于逸而小心以繹不柔以忒不競以  
亟以承其先烈以裕其胤息其先伊誰實為右丞子  
子其征屬屬其盈高昌之望曰命靡常主命不辱而  
天威肅將輦其金珍篚厥玄黃歸我聖皇以救寧一  
方大夫繩武不遠伊邇右丞有孫趙國有子坦坦如  
砥矯矯如矢維天子使靡不極所止宜爾錫爾山峙  
川委繫來世之祉城西之原有樹有封刻銘豐碑百  
世可宗

我承務部江西等處儒學副提舉葉先生墓碑

承務郎在等處儒學副提舉致仕葉先生諱瑞字  
宗瑞遠祖祖洽宋熙寧間廷對魁天下曾孫廷秀由  
邵武徙建昌新城春秋擢第官至朝請大夫知梧州  
言事忤旨仰藥卒子遠宣教郎奉樞歸次來石而瀛  
孫茂祖甫四歲母饒夫人抱以依姑趙趙居而教育  
之因為金溪人中鄉貢進士舉娶趙生四子先生其  
叔子也幼尚氣節致力經學以及百家皆得旨要其  
為舉子業不蹈時習或戒以希有司旨先生曰吾為  
是區區而博吾師說乎蓋篤志為己之學進士公卒  
先生甫冠贅產悉分弟姪而躬耕以食趙夫人卒尼

弟四出先生獨力營治久乃憊然曰昔親在不敢離  
親亡矣充吾學為揚顯者不力可乎歷甌越會稽瑯  
琊涉汶泗過洛入秦道晉以達幽朔無所遇最後至  
遼東世臣洪氏以好儒聞闡義學方難其師有以先  
生文行言於平章君祥右丞重喜者及見大悅館而  
師焉諸子彬彬以文學濟其世美遼東之人翕然知  
向學者先生力也朝廷以右丞薦授遼陽路儒學教  
授再授大寧路陞將仕郎江洲路湖口縣主簿攝尉  
事盜久逸者皆獲之憲司檄按德化縣疑獄即得其  
情覈虛糧決滯訟縣以治聞轉撫州樂安務提領俄

請老授前官至順二年十一月二十五日以疾終于家壽八十有五 年 月 日 葬 慶娶趙氏生子順女適孔景仰繼黃氏生子升寧都州夏河寨巡檢女適湖口縣典史杜復身繼王氏生子大有廕宜春揚橋務提領女適高安白沙寨巡檢孫鐵柱孫男三久鎮網繹女三人先生年五十始出卒能致官而行其學迹徧海內乃得返鄉里至於休致而終于正寢雖用不盡其施而教之振于東善之淑於人者多矣遺文四十卷庸學提要六卷周易釋疑十卷於虛博矣秋中原貢舉廢將九十年江南亦四十年其少時

先公教之曰金源分裂且事貢舉國家之大未有不  
行但遲速有時爾力學以俟當有際也時混一才二  
十年故老尚多幸及從學粗有得也尋以校職從事  
山北憲貢舉詔下乃棄而應薦先生實主文遠陽科  
制廢久內地有所不悉連陳在東僻有司一切昧於  
奉行先生纖悉教之蓋江南內附時年已三十餘矣  
習於場屋條制者也盡試愈憲曰將佐曰後先生幾  
不能奉詔有士既獲薦文入禮部經問之與業用之  
切見者莫不稱異先生在湖口方鳴金鼓行江有士  
歸省臨江遇之中流款甚至順庚午有士為兩淮轉

運使先生惠然肯來年八十四矣飲食起居猶昔也  
手寫大學中庸二書注字如蠅頭以與小兒留月餘  
歸明年遂沒又八年升來武昌請銘將刻之阡茲銘  
也其誰宜為銘曰

於厚先生志壹學醇友善行遠趾為鄉人昔隨分裂  
佔畢苟安四海既一我懶乃環有韞未操費用不信  
爾不我知我不爾親晚慕幼安片帆遼東有命自天  
畢比界公俊造賓興墜緒孰繹結遠選公張山東僻  
樂有嘉惠侏離伊吾糾邑司征曷定我書八十五年  
口不藥劑提身所遺根茂實遠依無所害遺諸異營

歸來正首於承先生

故通議大夫江西等處樞密都轉運使萬公神

道碑銘 并序

公蒙古新溫台氏小字萬嘉閭長因為名國俗也既  
華學文字以國為其家廣平蓋曾大夫天造初謂言  
部分成地也大夫忽珊從討李壇攻襄樊鄂渚皆有  
功贈中順大夫同金樞密院事上騎都尉范陽郡伯  
配欽察氏善氏皆追封范陽郡君父壽克為右衛軍  
軍百戶達魯花赤佩銀符陞福州新軍千戶達魯花  
赤佩金符贈亞中大夫僉太常禮儀院事輕車都尉

范陽郡侯配欽察氏追封范陽夫人德善履歷具  
道碑公守河間有壬待罪政府江西茶政不脩擇  
而健康而通者為都轉運使以拯之公嘗貳其司有  
聲乃為之廷議翕然既奏可傳符至郡俄以疾卒至  
正二年四月二日也五月二日葬曲州縣先塋壽六  
十有五明年九月孤壽安走安陽謁銘哭不能禁拜  
已出行實復咽不能語有壬交公厚望其孤已泣又  
洞其懇誠益為之動遂相與大哭久乃始克請其狀  
其善狀不能悉也公居嫡長世禪當襲以讓弟那懷  
服勞宿衛除山北道補政廉訪司照磨兼管勾承發

架閣庫以太常憂歸服除調山東道賑饑有功南臺  
辟為行人俄除利用監知事又改南臺管勾承發兼  
磨兼獄丞拜西臺監察御史論列剴切僉雲臺諸路  
肅政廉訪司事麗江宣撫達魯花赤燕只不花等  
逐同官激判郡內朝廷知之始懼而亡慝公以善  
出罷之復其同官者以息行部建廟學凡二十四  
循廢驛二十一歸省太夫人京口及侍其疾扶掖至  
廣平復如京師遷祖乃妣合塋先塋改僉江西道又  
改燕南皆以憂不起服除改河南道天曆之警行省臣  
與廉訪司協議公謂渾閔守不可緩承制除河南行

省郎中出守潼關各王道沐錄其勞除河南道副使  
潼關失守夜馳至行山日發蒙古軍四千人又借民丁  
出帑資假富室以足四千與鼓行而西遂復奪之會朝  
廷遣使退其師還卒以民子女皆奪歸其親賜終段  
上尊初也先尼將兵至西師屯彰德約備芻粟已竭  
宿留不進士卒將六軍掠公開諭以理遂移衛輝境  
蓋始約有備之地一即幾亂賴公以免擢同知中政  
院事理財江浙仍有命帛之費改儲政院判官拜監  
察御史按覆諸道風俗肅然為戶部郎中楮幣壅滯  
督焚以通之倉儲積貯立法以覈之閩中去京遠選

人間關故事三年遣使即江浙省銓授公以選行就  
除行省左右司郎中司復立授同知江西等處推  
茶都轉運司事分治湖廣江西江浙課以登商旅以  
通官庶以不擾人為戶部侍郎復通州倉糧三十萬  
石行蜀極鹽法之弊人謂得宜陞內宰甫月改河間  
路總管兼諸軍輿魯細管管內勸農事首建學宮若  
千楹百廢備舉有畏民悅推茶劇任知公者咸謂必  
稱而倭焉長往惜哉積階自將仕佐郎至通議大夫  
配珊竹氏封范陽郡去人又娶趙氏在南每憂無子  
有主解之曰以子之心不患無子後果生子壽安也

愿而有立室而有出公可無憾矣女四人適國子生  
完者溥化江浙行省理問邁吾荅兒宿州同知王敏  
行一未行弟二人那懷百襲官有聞四轉至鎮江上  
萬戶府達魯花赤階太中大夫曰曲出宋氏出也公  
幼有志節襟度宏朗滑指微中機鋒叵測分部上京  
它曹官莫不舍其署雜還相從其為人悅慕若此而  
疾惡若仇辭色不能隱亦用是來議者之口焉左警  
巡院判官王克觀泊其家五人相繼死為俱載歸塋  
之道高郵十路都萬戶府知事龍寶臣出使卒殞水  
濱捐金碩江道士遷其柩歸塋曲周顯官有放其子

者孫且寸歲一日過之因言父子天倫甚至乃蹙然  
問曰君子幾歲公曰尚少當令來拜明日挈其孫往  
其人撫愛不釋公曰此兒與君有骨肉親錯愕久之  
乃語之曰此君之子某之子也遂大慟奉楮幣銀酒  
具為謝受之還遺其子卒為父子子今亦顯微公則  
天倫或幾乎絕矣其薦於行義若此與大權貴舊而  
狎不敢遠亦不近之免趨附之速其讀書好文蓋太  
常教之有素而復天資穎悟善交儒士灼然有見於  
道義故確然無間於吾徒也山北南臺職必相從有  
酒必共先太夫人棄代惟揚自京口來賻南歸過之



繼繼不忍別騎送至金陵東郭始泣而歸中途宿旅  
邸疲甚而寢必踞榻使寤笑談達曙目不少瞑翼日  
神觀不少昏疲京師僕僕多事亦穢冗過役又同邑  
上京交游厚且久它人不及也銘復有辭銘曰  
有紫其服有金其符賞延在身乃及友于視其不取  
見其有餘紵青幾時冠鐵衣朱逢涌孰禦載馳載驅  
授紱瀆池萬里接浙甯藥視舉獲彈子職衰經游命  
禮經是式分節河南邊聲孔劇力障其衝旋復其失  
兩為地官不競不求廩糈而免泉漚而流惟瀛大郡  
實為甸侯先教後刑學宮以備晉武若政衆與能事

俾長推司以脩厥廢紹方脂率奄忽云逝聞者盡傷  
矧予夙契子銘不愧子善實多剛而不虐從而不阿  
不勝於習不流於和有美承家其冠已峩曲周之澤  
發於盈科刻文樂石百祀不磨

國

金瓶梅

